



Suí iomlánach

B9-0367/2021

9.6.2021

TAIRISCINT I gCOMHAIR RÚIN

de bhun Riail 143 de na Rialacha Nós Imeachta

maidir le Deimhniú Digiteach COVID an Aontais

**Jaak Madison, Gunnar Beck, Dominique Bilde, Francesca Donato,
Nicolaus Fest, Laura Huhtasaari, Elżbieta Kruk, Rob Rooken, Hermann
Tertsch, Harald Vilimsky, Bernhard Zimniok**

Tairiscint i gcomhair rún ó Pharlaimint na hEorpa maidir le Deimhniú Digiteach COVID an Aontais

Tá Parlaimint na hEorpa,

- ag féachaint do thogra le haghaidh Rialachán ó Pharlaimint na hEorpa agus ón gComhairle an 17 Márta 2021 maidir lecreat chun deimhnithe idir-inoibritheacha maidir le vacsaíniú, tástáil agus téarnamh a eisiúint, a fhíorú agus a ghlacadh chun an tsaorghiúiseacht a éascú le linn phaindéim COVID-19 (COM(2021)0130),
 - ag féachaint do Riail 143 dá Rialacha Nós Imeachta,
- A. de bhrí go ndearna Greg Abbott, Gobharnóir Texas, ordú feidhmiúcháin a eisiúint an 6 Aibreán 2021 lenar cuireadh toirméasc ar ghníomhaireachtaí stáit in Texas ceanglas ‘pas vacsaíne’ a chruthú; de bhrí go ndearna an Gobharnóir bille a shíniú an 7 Meitheamh 2021 lenar cuireadh toirméasc ar ghnólachtaí agus eintitis rialtais Texas a cheangal ar chustaiméirí nó cliant pasanna vacsaíne nó faisnéis vacsaíne a sholáthar;
- B. de bhrí go ndearna AE Rialachán maidir le Deimhniú Digiteach COVID an Aontais, mar a thugtar air, a bhrú tríd ar scáth a bheith ag ráthú na saorghiúiseachta idir na Ballstáit;
- C. de bhrí go bhfuil an chóir chomhionann, an neamh-idirdhealú, an príobháideachas agus an rúndacht leighis ina bprionsabail bhunúsacha de shibhialtacht na hEorpa seo againne;
1. ag aithint go bhfuil ról bunriachtanach ag vacsaíní i ndáil le srian a chur le leathadh agus éifeachtaí phaindéim COVID-19; á chur i bhfáth, áfach, nach bhféadfar leas a bhaint as deimhnithe vacsaíne chun teorainn a chur le saoirsí bunúsacha;
 2. á mheas nár cheart deimhniú vacsaíne a sholáthar a bheith ina réamhriachtanas chun dul isteach i ngnólachtaí nó i bhfoirgnimh rialtais in AE.